



聖濟總錄纂要

一

風痞癩	風痿癱瘓	風口喎	破傷風	風痺曳	四肢拘攣	心中風	脾中風	肺中風	腎中風	卒中風
中風百節	風走注疼	偏風	偏風	風痙反張	失音不語	風口噤	風口喎	肉苛	歷節風	風痙
白虎風	風不仁	風痿痺	風痿痺	風痿痺	風痿痺	風痿痺	風痿痺	風痿痺	風痿痺	風痿痺

中武9
123
/

共十





紅印

紅印

紅印

門中武
第 123
卷 1



學者狃於所聞守師承執
一之見其言固陋而不能
以相通自誤誤人弊至莫
可紀極無他讀書不博見
道不真用心不廣坐是三



者而醫道或幾於熄余戚
友程雲來氏鄞山世胄也
少從其叔祖敬通先生講
越人之術先生道高望重
名滿天壤雲來與之遊處

者十餘年盡得其真傳秘
授又其先明初有松厓公
者以名進士起家一代偉
人精星象奇門岐黃術著
有醫案等書雲來皆宗法

之故於方書無所不讀研
窮考究殫精竭思以與古
遇出而仁民利物稱國工
鉅手焉歲辛酉余遊維揚
邂逅雲來於廿四橋頭蓋

方以校訂聖濟總錄一書
畱此者幾一載矣既而向
余曰是書始末甚異幸爲
我序而傳之余覽其發凡
而觀其用心雲來之不朽

無疑也夫雲來以名家子
負才倜儻博奧多奇間以
餘情溢爲圖篆繪事得異
人授內養晬穆顏如渥丹
至生平醫道所入輒梓所

著諸書不名一種散布人
間藏之者若寶籙然挾此
才技安往不足以垂名立
教而顧以是書爲斤斤其
立心誠欲利濟天下如范

吳序五
文正所云不爲良相卽爲
良醫是宜不朽者一雲來
得讀是書刻本於敬通先
生所又三十餘年之久始
從友人江子郢上再覩抄

本遂慨然有剗劂之志而
不欲自專其美推原究極
詳著師友之淵源是宜不
朽者二且是書自宋徽宗
政和年間詔集海內名醫

吳月五
出御府所藏禁方秘論纂
輯成編非人世所恒見閱
年既久漶漫隨之雖再刻
於金大定三刻於元大德
重以耶律楚材之論定頒

行終無解於若滅若沒之
數非雲來孰能表章及之
者是宜不朽者三雲來以
三不朽之盛心又慮卷帙
之繁重於是刪訂收束以

吳序五
考月七
便行笈之可攜知古今之
不一其宜也於是酌損裁
成以定規條於可守鴻編
鉅典恃有雲來爲之發皇
矣雖然醫者意也書不可

盡廢而亦不可徒泥陳言
顧用之何如耳如或守一
偏之見而不知變通雖日
誦是書復將奚益又當進
求雲來自著之心傳而後

可也

時歲次庚申花月既望同
邑年家眷第吳山濤頓
首拜題



得聖濟總錄纂要序

千古有治人而無治法人存政舉
其理為莫可易若徒任法則泥古
而廢法必信心病雖不同害治則
一也蘇文忠公有云藥雖進於醫
手方多傳於古人若已經效於世

吳序五
間不必皆從乎已出可見方策昭
垂不容或廢損益所及歷代相因
是道也還與證之於醫家大人素
抱經世之學幸遇我

國家休明庶政咸舉優游于化日之
下咏歌太平斯樂何極伏念天下

之大戶口之繁不無疾癘而殀札
者思得善術焉錫之康寧登之壽
域以佐

聖天子化理之萬一用是刊施經驗良
方及手製丸散救療危疾數十年
來予亦遵行罔懈竊嫌所施猶隘

吳片五
而未廣適見新安程雲來先生所
訂聖濟總錄纂要一書殫精竭慮
酌損裁成於二百卷中撮其精要
得二十六卷向刻於廣陵洵醫學
之金科玉律堪行遠而傳久者也
顧其價頗昂貧士終莫能家購一

編年來坊間併不復刷印矣大人
恐原板日久敬失急令予訪得之
較其次第補其殘缺精其紙墨更
廉其直以公同志庶山陬海澨無
遠弗屆而閱者按部考方對病發
藥俾膏肓痼疾投劑立起民無歿

吳片五
札長享天年用廣

皇仁
佐理治化寧僅向日所施區區方
藥而已哉尤願讀是書者本壽世
之心而行濟世之事毋執已見妄
議前人願涇陽先生嘗言用藥期
於去病若徒按本草一而譽之

曰是偏於寒是偏於熱此乃為藥
尋病而非為病求藥也吾於醫方
上云凡積学好古之士能由是書
而隨機應變因時制宜既不泥古
而亦不致信心此家大人之素志
也敢為讀是書者謹告焉不然有

吳序五
治人而無治法此語寧獨為良相
設哉至是書之原刻於宗重鑄於
金元及纂訂於雲來先生其發凡
起例燦若指掌全書具在概不贅
云乾隆五年花談日吳郡張松寧
識於胥江之拾翠軒

一也

如

大德重校聖濟總錄序

臣聞天地以溥生為大德所以曲成萬物而不遺聖人贊
天地之化育故歛時五福以敷錫於庶民去民之為物也
智者寡愚者眾起居失常食飲無節外為寒暑燥濕風以
賊其形內為喜怒思憂恐以亂其氣形氣乃傷疾所由作
聖人有憂之謂祝由不可以盡已也遂制藥石鍼艾以攻
八風六氣之邪為湯液醪醴以佐四時五行之正防其未
然救其已病然後物各遂其生民不夭其命矣又謂非立
憲言不可以福萬世也於是上法天道下因地宜究陰陽

之本明生死之由考於古而驗之今取諸已而施之人定爲成書著之玉版藏之金匱宣之於布政之堂秘之於靈蘭之室以俟來哲以施無窮其爲仁民愛物之心斯可謂極矣然其言至簡其論至要其理至深後世學者雖有上智非研精覈慮則亦未易窺其奧也故曠代之中能以斯術鳴世者時固有之若夫神聖工巧獨得先世不傳之秘如和緩越人亦不過十餘人而已况去聖已遠支分派別析而爲衆科業而爲專門所以人各拘其偏而莫肯究其全則益不逮於古矣積習成常流弊茲甚懼大道將遂於

湮微故聖濟總錄由是而作焉上下凡二百餘卷始終幾二百萬言逐病分門門各有方據經立論論皆有統蓋將使讀之者觀論以求病因方以命藥則世無不識之病病無妄投之藥唯法有逆從治有先後在乎智者擇其所當從其所宜而已究而言之實醫經之會要學者之指南生民之司命也惜其始成於政和重刊於大定旣綿歷百年之久不能無三豕之訛

今主上神極御天

修節制度治具畢張

以謂是書所載雖先聖之緒餘其所以康濟斯民亦致治之一助也迺

詔江浙行省刊於有司布之天下其或繆戾隨加釐正復降

德音俾下臣為之序引臣誠愚陋竊不自量仰惟聖德如天

甄陶萬類爰自

卽位以來于今七年

恩浹飛沈

仁及草木然猶

夙夜孜孜

廣求民瘼或一物不得其所則必

為之惻然臣謂此書復出則上可以輔相天地之宜下可

以永底蒸民之生物無疵癘咸躋於仁壽之域矣

大德四年二月一日集賢學士嘉議大夫典瑞少監臣焦

養直謹序

方技之書尚之久矣聖人治世亦所不能後者也若夫黃帝內經神農本草秦越人之八十一難經仲景之三百九

十七法王叔和之脉訣朱奉議之活人固在所勿論其餘
 千方萬論歷世所傳誠不為不多然得其全者或寡矣故
 近代諸書獨不若聖濟總錄之詳且備也
 聖主以至仁為心

勤卹民隱所以首

命板行之於天下非惟重下民今日之命蓋將有開於先
 而覺於後也書曰贊贊襄哉夫是書之行也雖本於
 上意之所注其所以始而終之者亦近臣有以贊襄之也
 故凡與斯議者并附於左

醫愈郎諸路醫學副提舉臣申甫

醫効郎御藥院副使臣王希逸

承直郎太醫院判官臣和思誠

奉訓大夫太醫院判官臣隋有

朝列大夫太醫院副使臣王佐

集賢直學朝列大夫太醫院副使臣歐陽懋孫

中順大夫太醫院使臣韓公麟

少中大夫同提點太醫院事臣汪斌

嘉議大夫提點太醫院事臣麻惟繇

正議大夫同簽樞密院事左衛親軍都指揮使提點太醫院事臣鄭仁古
昭文館大學士正奉大夫提點太醫院事臣李邦寧
榮祿大夫平章政事大都護提點太醫院事臣脫因納

政和聖濟總錄序 宋徽宗御製

生者天地之大德疾者有生之大患方術者治病之大法
昔者神農氏黃帝氏獨觀太初窈燭妙有味百藥以辨物
審百疾以全生其制名其取類其正君臣其立佐使其見
於太素玉冊之書雷公岐伯之間蓋皆聞神明之蘊窮陰
陽之變原性命之理而與天地同其覆載中古以還鏤之
玉版藏之金匱功利及草木惠澤被牛馬所以遺天下後
世甚厚歷年既久流弊滋甚糟粕具在而精意不傳內經
有病名而莫之究有治法而莫之習極其妙至於通仙而

莫之悟人之生也其位參於天地其靈貴於萬物形不盈
仞而心侔造化崑崙尺宅修之可以長生寸田神牖閑之
可以反照天關神廬息之可以名和去土符書金格鍊丹
却粒御氣凌虛不假於物而裕然自足嗟夫達士可以神
解昧者且不能養其形而况於了其心乎內之五臟六腑
外之九竅四關著之於色發之於聲寓之於三部九候一
失其平則疾病隨神聖治於未兆工巧抹其已然非天下
之至精孰能探天下之至蹟非天下之至粗孰能祐天下
之至神朕憫大道之鬱滯流俗之積習斯民之沈痾庸醫

之妄作學非精博識非悟解五行之數六氣之化莫索其
隱莫擬其遠曰寒曰熱曰寒熱之相搏差之毫釐失以千
里而有餘者益之不足者損之率意用法草石雜進天枉
者不可勝嘆哉萬幾之餘著書四十二章發明內經之妙
曰聖濟經其意精微其旨邁遠其所言在理所以探天下
之至蹟又詔天下以方術來上并御府所藏頒之爲補遺
一卷治法一卷卷凡二百方幾二萬以病分門門各有論
而序統附焉首之以風疾之變動終之以神仙之服餌詳
至於俞穴經絡祝由符禁無不悉備名之曰政和聖濟總

錄其所載在事所以祐天下之至神蓋聖人之誠世本在於上未在於下無見於上則治之道不立無見於下則治之具不行經之所言者道也醫得之而窮神總錄之所載者具也醫用之而已疾漢張仲景作傷寒論而雜之以方唐孫思邈作千金方而繼之以翼以謂不如是則世莫能用其術然之二人者游於方術之內者也彼超然獨見於方術之外下顧岐伯之流而與之議始可謂知道朕作總錄於以急世用而拯民疾亦斯道之筌蹄云耳天下後世宜致思於忘筌蹄而自得者俯仰之間嘖笑之度御五行

之數運六氣之化以相天地以育萬物至於反營魂而起當生者豈細事哉蓋將有來者焉

聖濟總錄纂要目錄

卷一

諸風門 統論

甲集

中風

卒中風

肝中風

心中風

脾中風

肺中風

腎中風

攤緩 俗名癱瘓

風痺曳

四肢拘攣不得屈伸

風痙

角弓反張

中風失音

中風舌強不語

風口噤

風口喎

破傷風

偏風 風偏枯 肉苛 即肌肉不仁

歷節風 中風百節疼痛 風走注疼痛

白虎風 風不仁 風瘙癢

風痞癩 風瘙癢瘰

卷二 乙集

諸風門

蠱風 肌肉瞤動 風癩

風癩 風狂 腦風

風頭眩 風頭痛 偏頭痛

漏風 勞風 風頭旋

風痰 胃風 風秘

癰瘍風 白駮 白癩風

紫癩風 惡風 大風眉鬚墮落

大風出虫 大風癩疾 烏癩

白癩

諸痺門 統論

痛痺 著痺 行痺

皮痺 肌痺 血痺

脉痺

筋痺

骨痺

腸痺

周痺

痺氣

熱痺

卷三

傷寒門

統論

傷寒可汗

傷寒可下

傷寒可吐

傷寒可溫

傷寒過經不解

中風傷寒

傷寒濕溫

傷寒時氣

傷寒疫癘

傷寒結胸

傷寒譫語

卷四

傷寒門

丙集

傷寒潮熱

傷寒煩渴

傷寒煩躁

傷寒厥逆

傷寒頭痛

傷寒喘

傷寒上氣

傷寒咳嗽

傷寒乾嘔

傷寒嘔噦

傷寒心悸

傷寒痞滿

傷寒霍亂

傷寒小便不通

傷寒大便不通

傷寒下利

傷寒陰毒

傷寒陽毒

傷寒發斑

傷寒發黃 傷寒發碗豆瘡 傷寒發狂

傷寒剛症 傷寒柔症 傷寒壞病

傷寒狐惑 傷寒百合 傷寒陰陽易

傷寒鼻衄 傷寒吐血 傷寒瘀血

傷寒口舌生瘡 傷寒舌腫脹

傷寒咽喉痛 傷寒毒攻手足

傷寒後夾勞 傷寒後勞復

傷寒後骨節煩疼 傷寒後虛煩

傷寒後盜汗 傷寒後驚悸

傷寒後失音不語 傷寒後咽喉閉塞不通

傷寒後變成瘧 傷寒後脚氣

傷寒後下利膿血 傷寒後愚瘡

辟瘟疫令不相傳染

卷五

瘧疾門 統論

寒瘧 溫瘧 寒熱往來瘧

痺瘧 間日瘧 痰瘧

瘵瘧 勞瘧 久瘧

鬼瘧

瘧母

瘧疾發熱身黃

瘧痢

瘧氣

瘧瘥

中暍門

統論即暑毒

中熱暍

中熱悶絕

霍亂門

統論

霍亂吐利

霍亂嘔吐不止

霍亂四逆

霍亂心腹痛

乾霍亂

中惡霍亂

霍亂乾嘔

霍亂轉筋

卷六

丁集

泄痢門

統論

水瀉

濡瀉

發瀉

洞瀉寒中

驚瀉

日滯痢

冷痢

熱痢

赤痢

血痢

膿血痢

赤白痢

氣痢

休息痢

盡痢

久痢

下痢裏急後重

痢後脫肛

疰蟲

濕蟲

二證皆久痢所成

卷七

咳嗽門

論

咳嗽

暴嗽

久嗽

冷嗽

熱嗽

呷嗽

五臟諸嗽

咳嗽上氣

咳嗽吐膿血

咳嗽失聲

風冷聲嘶

諸氣門

統論

諸氣

上氣

上氣喉中如水鷄聲

短氣

陽厥

積聚門

統論

積聚
痞氣
諸癥
酒癖

肥氣
息賁
結瘕

伏梁
賁豚
瘕氣

卷八

失血門

統論

吐血

吐血不止

嘔血

唾血

舌上出血

汗血

鼻衄

衄不止

大衄

衄鱗 衄為汗血

脚氣門 統論

風毒脚氣 脚氣痺攣 脚氣疼痛不仁

脚氣上氣 脚氣腫滿 脚氣心腹脹滿

脚氣衝心 脚氣語言寒澁 乾濕脚氣

脚氣變成水腫 脚氣大小便不通

江東嶺南瘴毒脚氣 脚氣雜治膏藥淋滌

卷九

戊集

膈氣門 統論

五種膈氣 膈氣咽喉噎塞 膈氣不下食

膈氣痰結

嘔吐門 統論

嘔吐 乾嘔

痰飲門 統論

痰癖 支飲 留飲

冷痰 熱痰 膈痰結實

膈痰風厥頭痛

消渴門 統論

消渴

消渴煩躁

消渴小便白濁

久渴

消渴後成木

消渴後成癰疽

消中

消腎

卷十

水病門

統論

水腫

十水

風水

石水

大腹水腫

水腫欬逆上氣

水氣偏身腫滿

水蠱

膜外氣

卷十一

黃疸門

統論

黃疸

急黃

陰黃

酒疸

穀疸

胃疸

黑疸

女勞疸

黃汗

三十六黃

胸痺門

統論

胸痺

胸痺噎塞

胸痺心下堅痞急

胸痛

卷十二

目錄

心痛門 統論

心痛 卒心痛 久心痛

肝心痛 脾心痛 胃心痛

腎心痛 厥心痛 九種心痛

停飲心痛 虫心痛 冷氣心痛

中惡心痛 惡注心痛 心掣

心腹門 統論

心腹痛 腹痛 久腹痛

腹脹腸鳴切痛 腹內結強

臌脹 噉脹 脅痛

息積

腰痛門 統論

腰痛 卒腰痛 風濕腰痛

腰痛強直不能俛仰 腰脚冷痺痛

卷十三 巳集

虛勞門 統論

肝勞 心勞 脾勞

肺勞 腎勞 冷勞

熱勞

氣勞

急勞

風勞

虛勞咳嗽

虛勞痰飲

虛勞寒熱

虛勞潮熱

虛勞盜汗

虛勞咳唾膿血

虛勞嘔吐血

虛勞不得眠

虛勞失精

虛勞便濁

白淫

筋極

氣極

脉極

肉極

骨極

精極

卷十四

骨蒸傳尸門

統論

虛勞五蒸

骨蒸肺痿

傳尸骨蒸

傳尸勞

諸疝門

寒疝

心疝

厥疝

寒疝心腹痛

七疝

蠱病

陰疝

陰疝腫縮

陰疝卒腫痛

控辜

卷十五

目錄

大小便門 統論

大小便關格不通 小便不通

小便不禁 小便多利 小便出血

大便秘澀 大便不通 結陰便血 詳痔門 腸風下血

諸淋門 統論

卒淋 冷淋 熱淋

氣淋 血淋 膏淋

石淋 勞淋

九蟲門 統論

九蟲 虻蟲 寸白蟲

蟻蟲 五臟蟲 三蟲

諸尸門 統論

諸尸 遁尸 飛尸

尸注

諸注門 統論

諸注 風注 走注

鬼注 氣注 卒魘不寤

中惡 卒死 尸厥

鬼魅

鬼擊

卷十六

庚集

臟腑虛實門

肝臟

肝脹

肝氣逆面青多怒

膽腑

膽虛

膽實

膽虛不眠

膽熱多睡

膽痺

口苦

心臟

心中寒

心健忘

善笑

小腸腑

小腸虛

小腸實

脾臟

脾痺

口甘

穀勞

胃腑

食亦

胃反

噦

噫醋吞酸

胃寒腸熱

胃熱腸寒

肺臟

肺消

膈消

肺痿

肺痿咽燥

肺痿小便數

肺癰

肺癰喘急肢滿

大腸腑

腸垢

伏瘕

腎臟

腎虛

腎實

腎脹

解休

瘖俳

腎虛陽痿

腎虛多唾

骨虛實

髓虛實

膀胱腑

胞痺

胞轉

卷十七

面體門

面黥黥

面黥炮

面皴炮

面皴

面體疣目

狐臭

滅癍痕

髭髮門

統論

烏髭

榮養髭髮

鬚髮黃白

白禿

赤禿

眼目門

統論

肝虛眼

肝實眼

目胎赤

目赤痛

目熱疼痛赤腫

目赤爛

目血灌瞳人

赤脉衝貫黑睛

墜睛

蟹目

目珠突出

目見黑花飛蠅息肉淫膚

目生胬肉

目内生瘡

目膿漏

目生珠管

雀目

目瞼垂緩

目瞼腫硬

倒睫拳擥

卷十八

眼目門

目生膚翳

目生花翳

目青盲

將變內障眼

目眇瞶

眯目

鍼眼

即偷鍼

耳病門

統論

耳聾

風聾

勞聾

五聾

耳聾有膿

耳虛鳴

耳聾

聾耳

百虫入耳

鼻病門

統論

鼻塞氣息不通

鼻塞不聞香臭

鼽鼻

鼻中生息肉

鼻淵

鼻流清涕

鼻中生瘡

疳虫食鼻生瘡

卷十九

辛集

口齒門

統論

口瘡

口糜

口吻瘡

口舌生瘡

口臭

唇瘡

唇生核

重舌

舌腫強

牙齒歷蠹

牙齒疼痛

齒慝

虫蝕牙齒

腎虛齒風痛

齒風腫痛

齒齲腫

骨附 風

風痺

齒間出血

齒齲

牙齒動搖

咽喉門

統論

咽喉閉塞不通

喉痺

走馬喉痺

咽喉生癰

尸咽喉

咽喉中如有物妨悶

骨鯁

誤吞諸物

癭瘤門 統論

五癭 諸瘤

癩癧門

癩癧結核 癩癧寒熱 癩癧久不差

卷二十

癰疽門 統論

附骨癰 附骨疽 乳癰

腸癰 胃脘癰

瘡腫門 統論

諸瘡	諸惡瘡	反花瘡
浸淫瘡	下注瘡	冷瘡
月蝕瘡	凍爛腫瘡	癩瘡 <small>即膿窠瘡</small>
漆瘡	湯火瘡	

卷二十一

壬集

瘡腫門 統論

丁腫 諸疥 癬瘡

代指 即天蛇頭 丹毒 佛瘡

肉刺 即鷄眼疔

金瘡門 統論

金瘡血不止 金刃傷中筋骨

金瘡中風水瘰 金刃腸出

毒箭所傷 箭鏃金刃入肉

狐尿刺 惡刺 竹木刺傷肌肉不出

痔瘻門 統論

諸痔 牡痔 牝痔

脉痔 血痔 腸痔

氣痔 痔瘻 腸風下血

傷折門 統論

從高墜下傷損腫痛 傷折惡血不散

筋骨傷折疼痛 傷折風腫

卷二十二

傷折門

打撲損傷 被傷絕筋 諸骨蹉跌

傷損止痛生肌 傷折貼灼并膏藥

雜療門

中藥毒 食毒 食諸菜蕈菌中毒

飲酒中毒及大醉不解 牛馬猪犬魚蟹毒

解金銀銅鐵石毒 中蠱毒

狗咬 蛇螫 蠍螫

蜂螫 蜘蛛咬 蜈蚣咬

溺水死 自縊死

卷二十三

婦人門 統論

月水不通 月水不斷 月水不來腹痛

室女月水不通 帶下 漏下

經血暴下 即血崩 經血暴下兼帶下

血分 水分 無子

妊娠門

妊娠惡阻 妊娠漏胎 妊娠胎動下血

妊娠胎萎燥 妊娠胎不長養

妊娠嘔逆不下食 妊娠咳嗽

妊娠傷寒 妊娠下痢 妊娠子淋

妊娠浮腫 妊娠小便不通

妊娠大小便不通 妊娠半產

妊娠數墮胎

卷二十四

癸集

產難門

逆產

難產

子死腹中

息胞

卽胞衣不下

產後門

產後血暈

產後語言妄亂

產後中風

產後中風口喎

產後中風角弓反張

產後蓐勞

產後大便不通

產後乳汁不下

產後妬乳

產後乳結核

產後乳癰

卷二十五

小兒門

小兒初受氣法

小兒相法

小兒浴法

小兒口噤

小兒撮口

小兒鵝口

小兒重膈

小兒臍風

小兒解頤

小兒頤陷

小兒急驚

小兒慢驚

小兒天癆

小兒門

小兒諸疳

小兒無辜疳

小兒哺露丁奚

小兒嘔吐

小兒噦

吐呢

小兒泄瀉

小兒洞泄注下

小兒燕口瘡

小兒語遲

小兒齒不生

小兒涎液不收

卷二十六

神仙服餌門

神仙服草木藥石

補益門

平補

峻補

補虛益氣

補虛益精髓

補虛固精

補虛壯元陽

補虛理腰膝

聖濟總錄纂要目錄

終

輒論艸木藥石

輒論雜論門

卷二十六

小兒致效不效

聖濟總錄纂要

卷之一

程 林雲來 纂

黃家珮鏘鳴

新安 吳汝漸非止 較

許承家師六

江 湘郢上 閱

諸風門

中風 卒中風 肝中風 心中風

脾中風 肺中風 腎中風

諸風統論

論曰易曰撓萬物者莫疾乎風夫以吹噓鼓舞與而易入枯者榮者成物之功實在於是然而分四時位八方適應其時則爲正弗循其方則爲邪人惟萬物之靈能察諸此觀冬至之日有從南方來必曰賊風其他可類推矣感之淺者留於肌膚感之深者達於骨髓而况倉卒頃刻之間大可畏懼因有治療所不迨者蓋禍患之機藏於細微非常人所豫見及其著也雖智者不能善其後是以上古聖人之教下皆謂之虛邪賊風避之有時不然何以言風者

百病之始風者百病之長風者善行而數變先聖之言可深思之

中風

論曰風邪中人以春甲乙得之爲肝風以夏丙丁得之爲心風以季夏戊巳得之爲脾風以秋庚辛得之爲肺風以冬壬癸得之爲腎風若中其五臟六腑之俞則各隨其證而治之人生自幼穉至於老耄率多因風而致疾或嗜食傷飽或不食失飢或渴而失飲或飲而過量或因五味之傷或冒熱衝風或大寒近火或暴露寒溼或刺損肌膚撲

傷肢體或失節安或多嗜慾緣此風趨諸竅或留一偏遂使手足不隨言語蹇澀或痛連骨髓或痺襲皮膚瘙痒如蟲行癢痺如錢石或多痰好睡或健忘多噎血脉不行肉色乾瘦久在牀枕起便須人語澀而浮精神困耗皆其證也

附子湯方 治中風欲死身體緩急目不得開舌強語澀

附子破去皮臍製一枚 芍藥 甘草 麻黃去根節先煎掠去沫焙 白

朮各一兩 防風去叉 防已各一兩半 人參 黃芩去心 桂

去皮 獨活去蘆 芎藭各一兩 天雄炮製去皮臍一枚

右一十三味剉如麻豆每服五錢匕水一盞半入生薑半分切煎至八分去滓空心日午夜臥各溫服如人行五里以熱生薑粥投之微汗出慎外風

麻黃湯方 治中風肢體弛緩言語蹇澀精神昏憤

麻黃去根節先煎掠去沫焙三兩 桂去麤皮 獨活去蘆 羚羊角各

三分 萎蕤切焙一兩 葛根剉三兩 升麻 防風去叉各兩半

石膏碎六兩 甘草炙剉三分

右一十味筩搗篩每服五錢匕水一盞半煎至八分去滓溫服如人行五里再服用熱生薑稀粥投汗出

慎外風

薏苡仁湯方

治中風肢體緩縱精神恍惚言語寒澀

薏苡仁

炒五兩

萎蕤

切焙

茯神

去木各三兩

犀角

鎊二兩

烏梅

七枚去核

麥門冬

去心焙三合

右六味麤擣篩每服五錢匕水一盞半入生薑半分

切煎至八分去滓入竹瀝白蜜各少許再煎三五沸

食後日午夜臥各一服

吐痰白礬散湯

治初中風失音不語昏昧不知人先宜

吐風痰令省覺次可服諸湯散

白礬

二兩生用

生薑

一兩連皮擣碎水二升煎取一升二合

右二味先細研白礬如末入濃煎生薑湯研濾分三

服旋旋灌須臾吐出痰毒眼開風退方可救治若氣

衰力弱不宜猛性藥吐之

防風湯方

治中風不語兩目不開手足抽掣發欬往來

昏塞涎潮

防風

去叉

羚羊角

鎊

獨活

去蘆

赤箭

即天麻苗無以天麻代之

當歸

切焙

麻黃

去節根

杏仁

湯浸去皮麩炒

桂

去皮各一兩

前胡

去蘆

秦艸

去苗

甘草

各半兩

中風

右一十一味麤搗篩每服四錢匕以水一大盞生薑半分切煎至七分去滓不計時溫服

取涎九方 治中風不語喉中如拽鋸口中沫出

天南星 大者一枚去浮皮剉中作坑入醋令八分滿四面用火逼醋乾黃色剉 藜蘆 一分

右二味搗研為末用麪糊丸如桐子大每服三丸溫酒下良久吐出痰涎為效吐不止用冷葱湯呷即止

羚羊角丸方 治中風手足瘧痺行履艱難

羚羊角 屑 桂 去麤皮 白欖榔 剉 五加皮 剉 杏仁

去皮尖 人參 丹參 栢子仁 枳殼 去瓢炒 附子

製炮去皮 瘳 各兩半 菴神 去木 防風 去叉 熟乾地黃 焙 麥門

冬 去心焙各二兩 南木香 牛膝 酒浸切焙各一兩 薏苡仁 二兩半

右一十七味搗羅極細鍊蜜為丸梧桐子大每服空

心溫酒下三十九日二

卒中風

論曰內經謂邪風之至疾如風雨言邪之迅速如此卒中風之人由陰陽不調腑臟大虛氣血衰弱榮衛乏竭故風之毒邪尤易乘間致仆倒悶亂語言蹇澀痰涎壅塞肢體瘧痺不識人事者此證也

奪命散方 治中風卒倒不省人事口面喎斜失音不語
但吐涎沫或口噤不開目昧垂死一切風疾

黑豆合一

烏雞糞

馬牙硝

研

龍膽

去蘆頭剉碎一分

其四味先將雞糞及豆同炒熟次入龍膽馬牙硝拌
勻以酒三盞煎二盞去滓分三服不拘時候溫服

救生散方 治卒中風

白礬

半夏

天南星

三味等分

同為細散每服以好酒一鍾藥末二錢匕生薑三片
煎七分通溫灌之當吐涎扶令正坐經一復時不得

令臥如臥則涎難出良久再依法煎藥一錢後常服
只半錢

箠竹瀝飲方 治卒中風倒悶口噤不能語昏不知人鍼
不知痛

箠竹瀝

五合

防風

甘草

桂

各一兩

防已

麻黃

白朮

人參

黃芩

細辛

茵芋

秦艽

去土

附子

去皮臍各一兩

生薑

焙乾三兩

除竹瀝外剉麻豆每服五錢匕
水一鍾半竹瀝一合同煎至一盞去滓溫服不拘時

羌活湯方 治卒中風悶亂語言蹇澀牙關緊急

羌活 桑根白皮 麻黃 天雄去皮 當歸各二兩

桂 旋復花炒 遠志各一兩 大腹皮 甘草 芎藭

威靈僊 枳殼去瓢 炒 菖蒲各一兩 杏仁湯浸去皮 二十一枚

剉如麻豆每服五錢七水一盞半入生薑三片煎至

八分去滓溫服不拘時

阿膠丸方 治腑臟久虛氣血衰弱卒中風邪及攤緩等疾

阿膠炙令燥 蟬殼去土 犀角屑 麝香錢 白花蛇三分

桂一兩 白鮮皮 白殭蠶炒 天南星 半夏酒浸三日 炒

天麻 桔梗 黃芪 當歸 羌活 虎頭骨炙

海桐皮 白芷 白茯苓 附子去皮 防風 芎藭

麻黃各一兩 乾蠍去尾用糯米 炒四十二枚 人參 沒藥各半兩

木香一兩 羚羊角屑半兩 乾薑四錢 烏蛇酒浸去皮 骨三分

共細剉焙乾搗為末鍊蜜為丸如彈子大每服一丸生薑酒嚼下中風甚者拗開口或先以藥噉化藥灌

下一丸立省

牛黃丸方 治卒中風仆倒悶亂語言蹇澀涎痰壅盛

牛黃 盧會 天竺黃 血竭 沒藥 丹砂俱研 續

隨子 皂莢灰各半兩 丁香 木香 乾蠍去土 炒

粉霜 雄黃 甘遂各一分 麝香二錢 肉豆蔻二枚

檳榔二枚 龍腦一字

其搗研為末每抄藥末四錢入輕粉三錢再研勻麩糊為丸如黍米大每服五丸金銀薄荷湯下隨大小加減一方添天麻一兩酒浸炙為末研勻丸如小彈子大凡中風用冷水化下一丸立效些小風寒每服半丸小兒驚風一丸分作六服並用冷水化下與後牛黃九并局方牛黃九不同

肝中風

論曰內經謂以春甲乙中風為肝風肝風之狀多汗惡風善悲嗑乾善怒時憎女子者有頭目瞶兩脅痛行常偃僂嗜甘如阻婦狀者有但踞坐不得低頭兩目連額色微青唇青面黃者治法空灸肝膈後以藥治之

排風羌活散方 肝藏中風筋脉拘攣疼痛

羌活去蘆頭一兩半 天麻二兩 芎藭一兩 酸棗仁炒一兩半

薏苡仁一兩 鹿角膠炙燥一兩 蔓荊實去皮三分 羚羊角一鎰

桂一兩 人參一兩 白附子製一兩 牛膝酒浸焙二兩

烏蛇三寸酒浸灸用肉 犀角鎰三分 白鮮皮剉一兩 地骨皮

到一 栢子仁 一兩五錢生用 右一十七味壽羅為散以豆淋

酒調下一錢匕漸加至二錢匕日三夜一

升麻湯方 治肝虛中風頭痛目眩胸中客熱氣壅衝心

煩悶

升麻 前胡 去蘆頭各一兩五錢 玄參 地骨皮 各一兩 羚羊

角屑 葛根 各二兩 酸棗仁 一兩

右七味麤搗篩每服五錢匕以水一盞半煎至八分
去滓入竹瀝半合重煎三兩沸放溫食後服如人行
五六里更進一服

心中風

論曰心中風之狀多汗惡風焦燥善怒嚇赤色病甚則言
不快診在口其色赤夫心受風風盛則生熱熱甚則汗不
止心之液為汗故也汗多則腠理疎疎則真邪相薄是以
惡風又心惡熱熱極則唇焦內燥多怒心之聲為言病甚
則言不開心氣通於舌故也又其證胸背拘急不可傾側
面赤頭痛煖煖發熱不能安臥以心主血脈其風日久隨
榮衛行內外相搏蘊積而然也

辰砂天麻丸方 鎮養心神擒截諸風和流榮衛滋潤筋

絡開通關膈肥密表腠

丹砂兩半 天麻兩一 半夏湯煮軟 天南星各半

蠟稍一分 白附子兩半 白僵蠶炒 牛黃研各半兩

蓬砂研一分 麝香研一分 共為末水煮麪糊為丸如梧

桐子大每服三十丸荆芥湯下不計時候

烏犀散方 治心中風精神冒悶語聲錯誤恍惚多驚

烏犀角兩二 丹砂研 獨活去蘆頭 丹參 遠志去心

人參 蔓荊子 防風

共搗羅為散每服二錢匕食後酒調下日三

人參丹砂丸方 治中風恍惚驚悸安神志化痰涎

人參 丹砂研各二兩 紫石英研 白石英 龍腦

細辛去枝葉 赤箭 天門冬去心 遠志去心 生乾地

黃焙 菖蒲九節者米泔浸切焙各一分 白茯苓去皮三兩 犀角鎊

沙參 防風去叉各半兩 麝香研半 共搗研為末鍊蜜

丸如小鷄頭大每服一丸溫酒嚼下不拘時候

脾中風

論曰脾風之狀多汗惡風身體怠惰四肢不欲舉色薄微黃不嗜食診在鼻上其色黃又曰踞而腹滿身通黃吐酸

汁又曰燼燼發熱形如醉人腹中煩重皮肉瞶動短氣脾
裨諸臟灌四旁者也所主四肢故脾中風則身體怠惰四
肢不欲動脾者倉廩之官故病則不嗜食診在鼻中央之
位也其色黃黃土之色也煩重發熱風之候也形如醉人
者邪氣之甚也

獨活湯方 治脾臟中風肢體緩弱言語不利燼燼發熱

獨活 麻黃去節先煎掠 防風去叉各一兩 白茯苓去皮

人參 羚羊角鎊 前胡去蘆 沙參去蘆 旋復花

黃芪 半夏湯洗七遍切焙 附子炮製去皮 甘草炙半兩

共剉如麻豆每服三錢匕以水一盞半入生薑汁半
分切同煎取七分去滓溫服不拘時日三

秦艽湯方 治脾臟中風身體拘急舌強不能語

秦艽去苗土 麻黃去根節沸湯掠去沫焙乾 石膏各一兩 獨活 赤

茯苓去皮 山萸 芎藭 防風 桂 白朮 人參

防已 附子炮製去皮 杏仁炒各三分 乾薑 甘草炙

細辛去苗葉各半兩 共剉如麻豆每服五錢匕水一盞半煎

取八分去滓溫服不拘時候

羚羊角丸方 治脾臟中風口面偏斜語言蹇澀虛煩手

臂腰脚不隨

羚羊角屑

防已

白芍藥

獨活

去蘆頭

白茯苓

去黑

皮

防風

酸棗仁

微炒

杏仁

去皮尖雙仁炒黃

麥門冬

去心

焙各三分

人參

芎藭

栝子仁

炒

檳榔

剉

桂

去粗皮

當歸

切焙各半兩

附子

薏苡仁

熟乾地黄

焙各一兩

共搗羅爲末鍊蜜和丸如梧桐子大每服空心溫酒

下三十丸

肺中風

論曰肺中風之狀多汗惡風色皎然白時欬短氣晝日則

差暮則甚診在眉上其色白又曰燥而喘身運而重冒而腫脹偃臥則胸滿短氣冒悶汗出夫熱生風風盛則熱腠理開多汗者熱甚故也風薄於內所以惡風皎然而白金之色也在變動爲欬又肺主氣故時欬短氣也風陽也陽晝則在表暮在裏陽裏而風應之故暮則甚也診在眉上其色白肺之色也身運而重風使然也喘而腫脹偃臥而胸滿短氣以肺主氣故也

羚羊角九方

治肺中風氣急背項強鞭語聲嘶敗

羚羊角二兩

白鮮皮

五錢

升麻

蔓荊實

惡實

炒

枳殼一兩 天麻白者 秦艽 共搗羅為末鍊蜜和丸如

梧桐子大食後煎桑白皮湯下十五丸日三服

薺芫湯方 治肺中風項強鼻塞語聲不出喘鳴肩息胸

滿短氣

薺芫二兩 防風 人參各一兩 獨活 細辛 赤箭

芎藭 羚羊角各五錢 麻黃二兩 桔梗剉炙 前胡去蘆

頭 蔓荊實 白鮮皮各五錢 甘草 石膏各一兩

共細搗篩每服三錢匕水一盞煎至七分去滓溫服

食後臨臥服

腎中風

論曰腎風之狀多汗惡風脊痛不能正立其色始隱曲不利診在肌上其色黑夫身之本在腎受五臟六腑之精氣以養百骸九竅腎受風則諸陽之氣不上至於頭面故有面苑然浮腫之證陽氣虛者則多汗惡風腎主骨骨不強則脊痛不能立精神衰弱則隱曲之事不利肌上黑如始色又踞而腰疼不可俛仰或為冷痺或為偏枯耳鳴聲濁志意昏沉善恐多忘皆腎風證也

海桐皮散方 治腎中風踞而腰痛脚腫疼重耳鳴面黑

志意不樂

海桐皮剉 五加皮去粗皮剉 萆薢炒 薏苡仁各一兩

虎骨真酥炙令黃 枳殼 赤芍藥 牛膝去苗酒浸切焙各一兩

惡實炒半兩 防風 續斷 杜仲去皮剉炒 郁李仁湯退去皮

尖雙仁炒 熟乾地黄一兩

共搗羅為散每服二錢匕溫酒調下漸加至三錢匕
空腹食前各一服

杜仲丸方 治腎中風腰脚不隨骨節痠疼筋脉拘急行履艱難兩脅牽痛

杜仲去皮剉炒三分 牛膝去苗酒浸切焙一兩 萆薢一兩 酸棗仁

當歸三分 防風一兩 丹參三分 赤芍藥三分 桂半兩

肉蓯蓉酒浸切焙一兩 石斛三分 附子五錢 郁李仁湯浸去皮

三分 檳榔煨一兩

共搗羅為末鍊蜜和丸如梧桐子大每服空腹用溫酒下三十九

防風湯方 治腎中風腰脚痠痺不仁骨髓痠疼不能久

立漸覺消瘦

防風一兩五錢 羌活一兩 黃芪二兩五錢 五加皮一兩五錢

牛膝去苗酒浸切 丹參分一 酸棗仁合一 桂一兩

赤芍藥一兩 麻黃去節煎掠沫 檳榔煨一 當歸

切焙 木通一兩

共瓮搗篩每服三錢匕水一盞至七分去滓空心服及晚食前服

石斛浸酒方 治腎中風注腰脚痺弱利關節堅筋骨除

頭面遊風補虛勞益氣力

石斛去根廿 黃芪一兩 丹參二兩 牛膝去苗 人

參一兩 杜仲去粗 五加皮 白茯苓二兩 枸杞子

炒一 山茱萸 山藥 萆薢炒二 防風一兩

升半 天門冬去心焙 生薑三兩 細辛去苗葉輕 薏苡仁

升半

其細剉如麻豆用生絹囊盛以酒五斗於淨瓷器中浸七宿初溫服三合日三夜一漸加至六七合一升許令常有酒氣不至大醉

攤緩俗名癱瘓 風痺曳 四肢拘攣不得屈伸

風瘰 角弓反張 中風失音

中風舌強不語

聖濟總錄卷之十一
五
攤緩

論曰攤緩之辨攤則懈惰而不能收攝緩則弛縱而不能制物故其證四肢不舉筋脉關節無力不可收攝者謂之攤其四肢雖能舉動而肢節緩弱憑物不能運用者謂之緩或以左為攤右為緩則非也但以左得之病在左右得之病在右耳推其所自皆由氣血內耗肝腎經虛陽陰偏廢而得之或有始因他病服吐下之藥過度亦使真氣內動榮衛失守一身無所稟養而致然也
紫金天麻丸方 治中風攤緩手足躄曳

天麻

沒藥

乳香

牛膝

白朮

當歸

牛黃

犀角

附子

五靈脂

各半
研三
分
一兩
去皮膚
三分
共十味為末取三家井華水丸如櫻桃

大每服一丸先用生薑汁化開次用酒調下如中風攤緩手足躄曳寒澀口眼喎斜不省人事口吐涎沫或手足搐掉骨筋疼痛皮肉麻痺並宜服之

天麻浸酒方

治攤緩風不計深淺久在牀枕

天麻

松節

龍骨

虎骨

骨碎補

敗龜

烏蛇

皮骨

白花蛇

皮骨

惡實根 各半 附子 去皮臍一枚 羌活

獨活 去蘆頭 牛膝 酒浸各半兩 當歸 芎藭 各一兩

大麻仁 二兩 熟乾地黄 焙半兩 茄子根 二兩

原蠶沙 炒二兩 共十九味 咬咀如麻豆用酒二斗浸密

封春夏三日秋冬七日每服一盞不拘時候溫服

虎骨丸方 治攤緩風手足不隨口眼喎斜頭目昏重腹

膝少力及風氣凝滯筋骨疼痛

虎脛骨 酥炙半兩 當歸 一兩 赤箭 半兩 安息香 酒研半兩

海桐皮 獨活 牛膝 酒浸各一兩 肉蓯蓉 酒浸一兩

金毛狗脊 去皮 續斷 各半兩 草薺 烏頭 去皮臍

芎藭 各一兩 甜瓜子 僂靈脾 乳香 研各半兩 防風

天麻 石斛 去根各一兩 酸棗仁 去皮研 黃松節 酒炒

細辛 各半兩 共二十二味除別研外為末酒煮麩糊丸

如梧桐子大每服十五丸酒下或荆芥湯不拘時

天麻丸方 治風氣攤緩等疾

天麻 二兩 玄參 防風 地榆 乾浮萍 紫背者洗

焙 乾薄荷 烏頭 去皮臍 牛膝 酒浸各一兩

不艸肥皂莢 五挺就地坑內燒成黑及瓷碗合定俟冷用半兩細研入諸藥 牛黃

龍腦各一錢 別研 共十一味除別研外為細末和勻鍊蜜

和杵百餘下丸如雞頭大每服一九溫酒下

牛黃丸方 治一切風及攤緩言語蹇澁搜風鎮心

牛黃一分 龍腦一錢 麝香一錢 雄黃一分 丹砂五分五

天麻 烏犀 乾蠍去土 炒 羚羊角鎊 羌活

獨活 防風 細辛 白芷 赤茯苓

蟬蛻 麻黃去根 節 牛膝酒浸 芎藭 五加皮各半

白附子炮一分 烏蛇酒浸去皮 骨炙一兩 共二十二味研

為末鍊蜜和杵一千下丸如雞頭大每一丸嚼破溫

酒或荆芥茶下日三

沉香煎丸方 治攤緩不收體重無力肢節緩弱運動不能

沉香 丁香 葫蘆巴炒 附子去皮 臍 牛膝去苗剉 酒拌炒

補骨脂炒 懷香子 石斛剉酒 拌炒 芎藭 木香

青橘皮湯浸 去白 桂皮去粗 肉荳蔻酒炒 各半兩 共十三味

搗羅為細末鍊蜜為丸如梧桐子大每服二十九生

薑鹽湯下酒亦可

風痺曳

論曰人假水穀之精化為血氣周流一身使四肢相隨筋脉相續猶挈裘領無所不從若脾胃虛弱水穀不化筋脉無所稟養復遇風邪外搏膚腠流傳筋脉縱緩則肢體痺曳其痺則偏而不舉曳則弛而不隨是皆不能收攝也

獨活湯方 治中風手足痺曳不能言

獨活 二兩 甘草 炙 桂 生葛根 芍藥

栝樓根實 各一兩 右六味剉如麻豆每服五錢生薑三

片同煎溫服日三夜一

敗龜丸方 治中風手脚顫掉痺曳

敗龜 塗酥炙 五兩 一味為細末研飯為丸如梧桐子大每

服二十九酒下

附子湯方 治風痺曳手足不隨身體不能俛仰

附子 去皮 臍 乾薑 甘草 炙 防風 獨活 各一兩半

石膏 碎 白茯苓 白朮 芎藭 柴胡

當歸 酒浸 人參 各一兩 杏仁 去皮尖雙仁 炒研二十枚 細辛 一兩

共十四味剉如麻豆每服五錢水酒共煎溫服日三
人羸弱者只用水煎服

羚羊角丸方 治中風手顫痺曳語澀

羚羊角 一兩

犀角 三分 羌活

防風 各一兩半

薏苡仁 秦艽 各二兩

右六味為末鍊蜜丸如梧桐子

大服十九煎竹葉湯下 加至三十九

中風四肢拘攣不得屈伸

論曰臟真散於肝肝藏筋膜之氣筋為肝所養筋得所養則俯仰屈伸莫或乖戾若經絡偏虛風邪乘虛客於機關則筋脉縮急于於陽絡則肩背從而拘攣此皆邪氣內盛正氣不能榮養諸筋故為四肢拘攣不得屈伸

夜合枝醞酒方 治中風手足不隨攣縮屈伸艱難

夜合枝

桑枝

槐枝

柏枝

石榴枝 各生用荆

五兩

羌活 別杵二兩

糯米 五升

細麴 七斤半

防風 別杵五兩

黑豆 用繫小者生用五升

共十味以水

斗浸五枝同煎取二斗

五升去渣浸米黑豆一宿蒸熟與麴防風羌活二味

拌和造酒依常醞法封三七日壓去糟滓取清酒三

合至五合時飲之常令有酒氣物令過醉恐至吐悖

亂正氣

乳香丸方 治中風四肢拘攣筋骨疼痛

乳香 細研一兩

烏頭 去皮麻半兩

羌活 一兩

雄黃 細研水飛半兩

白附子 羚羊角 各一兩 附子 去皮臍半兩 原蠶蛾 炒

防風 烏蛇 酒浸去皮骨炙 白僵蠶 炒 虎脛骨 各一兩

膩粉 麝香 各三分 赤箭 牛膝 酒浸 沒藥 研各半兩

右十七味為末再同和勻鍊蜜九梧桐子大每服用

豆淋酒下十九丸如人行十里再服

地龍餅子方 治中風手足筋急攣疼痛

地龍 炒 海蛤 硫黃 炒 烏頭 去皮臍各半兩 鱗鯉甲 各一兩

五味同研為末醋煮麩糊為丸如雞頭捏作餅子暴

乾每用一餅以葱白裹安手足節上以手帛繫住閣

在一朽木桶上用熱湯淋之候覺骨中熱極方解去

帛子後看手足未得舒展時再用熱湯淋之每一餅

可用三次如用藥畢目着衣服蓋之不得透風

酸棗仁煎方 治筋骨拘急及軟疼痛行履不得

酸棗仁 三兩半生半炒 虎骨 酒炙一兩半 海桐皮 羌活 各二兩

僂靈脾 赤箭 萆解 杜仲 去粗皮炙斷絲 敗龜 酒炙

蒺藜子 石斛 牛膝 酒浸 巴戟天 附子 去皮臍

木香 熟乾地黄 酥 各一兩 桑枝 一握一尺長 白蜜 四兩

共十九味搗羅十七味為末再研勻用清酒七升先

煎桑枝令黃色去桑枝後下藥末更煎一二十沸次下酥蜜煎成膏看香氣得所用瓷盒盛每服一匙頭溫酒調下日三服

風痙

論曰風痙者以風傷太陽之經復遇寒濕故也其狀口噤不開腰背強直如發癰蓋風邪內薄於經則榮衛凝泣筋脉緊急故令口噤不開卒然倒仆不知所以凡發極則復甦甦則復作其或耳中策策而痛身背直而不屈者不治也

天麻湯方

治風痙身如板直徧身鞭強

天麻

半兩

羌活

人參

桂

去粗皮

白朮

麻黃

去根節煎

掠去沫焙乾

杏仁

去皮尖雙炒各一分

附子

去皮臍一枚

八味判如

麻豆每服五服五錢生薑一棗大同煎再入酒半盞煎熱服後以生薑稀粥投之取汗日三

甘草湯方

治風痙口噤不語肢體強直神識不明

甘草

炙

羌活

一兩一分

人參

半兩

防風

一兩

附子

半兩

每服四錢入地黃汁一合煎再入荆瀝竹瀝各半合同煎溫服日夜各一

角弓反張

論曰風角弓反張之狀腰背反折不能俛也中風邪客於諸陽之經邪正相搏風氣勝則筋脉縮急腰背反折如弓之形也

麻黃飲方 治中風身如角弓反張四肢不隨煩亂口噤

麻黃去根節 防風 桂 白朮 人參 芍藥

當歸 甘草炙 乾薑各一兩 附子一兩 杏仁去皮尖

三十分 每服五錢水煎溫服不拘時

歸湯方 治中風身如角弓反張口噤不開

當歸 細辛各三分 防風 獨活各一兩半 麻黃去根節

兩一分 附子一枚去臍 每服三錢水酒同煎溫服如汗出

慎外風若口噤即幹開口灌之

急風散方 治中風身如角弓反張狀

附子一枚去皮臍 烏頭二枚去皮臍 天南星一枚 藿香去梗

防風 白芷各半兩 乾蠖全者去土炒 白附子各一分

共八味為散每服半錢豆淋溫酒調下併二服未愈

再服

中風失音

失音不語

論曰喉嚨者氣之所上下也會厭者聲音之門戶其氣宣通則聲音無所阻礙若風邪搏於會厭則氣道不宣故令人失音入臟則不能言語也

羌活湯方 治中風失音不語

羌活 去蘆頭 兩半

甘草 炙 兩

人參 各半 兩

附子 去皮臍 一枚

荆瀝 竹瀝 生乾地黄 共七味先將四味剉如麻

豆每服五錢入三件汁瀝同煎溫服日三夜一

地黄湯方 治中風失音不語

生地黄汁

淡竹瀝 各半 盞

獨活 去蘆頭 兩

附子 去皮臍 半

四味將二味剉如麻豆每服三錢入竹瀝地黄汁

同煎溫服空心日午夜臥各一

羚羊角湯方 治中風失音手足不隨

羚羊角 鎊

芎藭

細辛 去苗

木香

防風

麻黃

獨活 羌活

當歸 酒浸

附子 去皮臍

桂 去粗皮

天麻

各一 每服三錢水煎溫服不拘時候

竹瀝湯方 治中風失音不語昏沉不識人

竹瀝 荆瀝

梨汁 各二 合

陳醬汁 半 合

四味相和微

煎一二沸再濾一徧令溫細細灌入口中口噤幹開

失音不語 旨

口灌之

竹豆湯方 治中風失音不語

新青竹 碎如等子 四十九莖 烏豆 二升 二味以水八升相和煮

令豆爛去滓再煎取一升每服二合灌之或口噤不

開者即幹口灌

羗活湯方 治中風舌強不得語手足舉動不得

羗活 一兩 羚羊角 半兩 麻黃 去根節 兩 防風 半兩 旋復

花 炒一兩 獨活 半兩 龍腦 研半兩 人參 白茯苓

當歸 麥門冬 各半兩 杏仁 湯浸去皮尖 雙人一兩 每服一兩

水煎溫服空心日午夜臥各一服

竹瀝湯方 治中風舌強不得語心神煩悶

淡竹瀝 五合 人乳汁 二合 三年醬汁 半合 三味相和調

勻分三服口噤幹灌之立差

陳醋方 治中風不得語舌根澀靱

陳醋 二合 三年醬汁 人乳汁 各五合 三味相和研以

生絹濾絞取汁分爲三服日夜服之服盡能語

三聖散方 治中風舌強不語

沒藥 研 琥珀 研各一分 乾蠟 七枚全 者炒 三味研爲末每

服三錢用鵝梨汁半盞皂莢末半錢濃煎湯一合與梨汁相和調下須臾吐出涎毒便能語

雄黃丸方 治心脾中風舌強不語涎潮昏塞不省人事

雄黃 研

丹砂 研

牛黃 研

天南星 牛膽內製者

白僵

蠶生用

天麻 生用各半兩

麝香 一分

金箔

銀箔 各五十片與麝

香同研

九味研為細末鍊蜜丸如梧桐子大每服十九

溫薄荷汁化下不拘時

風口噤

風口喎

破傷風

風口噤

論曰風口噤者風寒客於三陽之筋使筋脉拘急口噤不開牙關緊急若不速治恐致他病以風者善行而數變也開關散方 治中風目瞑口噤不能下藥者用此散以中指點散于指齒三二十次在大牙左右其口自開始得下藥

天南星

生搗為細末

龍腦

別研

各等分研細五月五日午

時合患者共使一字

若急用亦不拘端午

烏梅飲方

治中風不語口噤吐痰頸項筋急

烏梅

二十七枚并子搥碎

菝葜

碎剉搥一兩半

白礬

生用一兩

先以水

一升煎菝葜根取三合去滓別盛又別以水一升煎烏梅至三合去滓別盛又以水五合煎白礬取三合別盛以物幹開口先灌菝葜湯次下烏梅湯又次下白礬湯旋消停服之良久久即吐惡疾毒涎如不吐以鵝毛攪喉口取吐

附子散方 治中風牙關緊急偏身強鞭

附子 一枚一兩者慢 白附子 共末為細散每服一

錢七溫酒調下三服效

海帶散方 治風口噤牙關不開

海帶 炒半兩 烏梅肉 天南星 生各一兩 麝香 二分別研後入

為細末入瓷盒內勿令透氣如患急以半錢七於顯裏牙關上揩便自開口立效

治牙關緊急方

甘草 北中指節截作五截於生油內浸過炭火上炙候油入甘草用 以物幹開牙關

令咬定甘草可如人行五里時候又換甘草一截後灌藥極效

白神散方 治中風或吐瀉牙關緊急噤下藥不能

白梅末 不拘多少 將揩牙立開蓋酸能收斂自然牙骨易

開也

風口喎

論曰足陽明脉循頰車手太陽脉循頸上頰二經俱受風寒筋急引頰令人口喎僻言語不正目不能平視又云風入耳中亦令口喎蓋經絡所繫然也診其脉浮而遲者可治

治中風口面喎斜葛根湯方

葛根

防風

附子

麻黃

各一兩

獨活

三兩

杏仁

湯浸

去皮四

松實

去殼兩半

共剉如麻豆每用藥十錢匕以

水二盞酒一盞入生薑三片煎一盞半去滓分三服日二夜一

防風湯方 治中風口面喎斜淚出失音

防風

防己

升麻

桂

麻黃

芎藭

各一兩

羚羊

角一兩半

剉如麻豆每服三錢匕以水一盞煎取六分去滓入竹瀝半合更煎三二沸熱服空心日午及臨

臥各一服

治賊風吹著口眼喎斜一字散方

烏頭

生用

青礬

各半兩

共為散每用一字搐入鼻內取

出涕吐涎

治風口喎方

蓖麻油 巴豆油 二味等分並相和如右喎即點左

口角如左喎即點右口角仍急覷纔正當急指去藥

治中風口面喎斜青松葉浸酒方

青松葉

一筋細對如大豆

木石白中杵令汁出用生絹囊貯

以清酒一斗浸二宿近火煨一宿初服半升加至一升頭汗出即正

治中偏風口面喎斜石灰塗方

石灰

半升

炒乘熱以醋調似泥塗於一邊緩處纔正急用溫水洗去

人參丸方 治中風口眼喎斜手足無事語不謇澀止緣

坐臥處對耳有竅為風所中筋牽過一邊連眼皆緊睡著

一眼不合者服此藥二十日內眼口皆正矣

人參

草烏

生去皮尖

牛膝

去苗酒浸焙乾各一兩

按牛膝入腦虛人口眼喎用之

搗羅為細末水煎麩糊丸如梧桐子大每服十九炒

黑豆淋酒下一日二服

治一切風口眼偏邪假蘇丸方

生假蘇去梗 生薄荷用葉 二味並沙盆內研生絹絞
取汁瓷碟內看厚薄日煎成膏餘滓三分去一分粗
滓不用將二分滓晒乾杵為末將膏和為丸如梧桐
子大每服二十九溫酒下

破傷風

論曰破傷風者因卒暴傷損風邪襲之傳播經絡致使寒
熱更作身體反張口噤不開甚者邪氣入臟則不可治諸
瘡久不差榮衛虛弱肌肉不生瘡眼不合者風邪亦能外
入為破傷風之候

羌活湯方 治破傷風身如鐵石或如角弓反張口噤不
開宜幹齒灌藥

羌活 防已 羚羊角 升麻 黃芩 蔓荆實去皮

兩二 犀角兩二 茯神去木 葛根 甘草各一兩 防風各一

三分 麻黃兩一 麤擣篩每服三錢七水一盞入地黃汁

半合薤白二寸煎至八分去滓空心日午臥溫服如
病急不拘時服蓋覆出汗即愈

羚羊角散方 治打擊破瘡或洗頭挑齒灸瘡狗咬等中
風

羚羊角 石斛 芍藥 知母 山萸 薏苡仁 白

芷 曲棘鍼生用 甘草炙 芍藥 紫苑去土 天雄

防風 牛膝 枳實去瓢麩炒 蔓荊實 石南葉酒醋炒

杏仁浸去皮尖 麻黃 龍骨去土 防已 白朮

萆薢 乾蔓菁花 葛根 赤茯苓 羌活 蒼耳心

車前子 桑白皮 菊花不開者 酸棗仁 當歸 丹

參 烏蛇酒浸去皮骨炙各三分 陳橘皮湯浸去白 共四十味搗

羅為散每服一錢半至二錢七空心午時夜臥溫酒調下要丸即鍊蜜丸如梧子大每服十九丸豆淋酒下

治破傷風獨聖散方

蘇枋木不拘多少 共為細散每服三錢七酒調服之立效

一方用鰾膠白色炙令黃色為末熱酒調六錢

治破傷風身腫牙關不開白殭蠶散方

白殭蠶直者不拘多少 生研為末每用生薑自然汁調以雞

翎於瘡口掃之勿令乾斯須腫塌皮離為效仍用生

薑汁調半錢七服

治破傷風打撲內損飲銀花散方

天南星大者半生半炮 白附子半生半炮 防風去叉等分 為細末

每服二錢七重者童子小便調稍輕熱酒調下如外
傷用此藥貼瘡口仍依法服之如破傷風先以小便
溫洗瘡口次用藥乾貼追出風毒立愈熱稍惡口噤
者以童子小便調幹開口灌之如鬪打至死但心頭
微煖者併灌三服即活常須合下以備急用

一方無白附子

偏風 風偏枯 肉苛

偏風

論曰人身所養者惟血與氣血氣均等則無過不及之害
怕至衰微則所運不周遂致體有偏復因風客身一邊者

謂之偏風其狀半體不知痛痒或癢痺不仁或縱緩或痺
痛是也

荆瀝湯方 治偏風不隨心中煩悶言語蹇澀

荆瀝五合 竹瀝五合 生薑汁三合

三味相和再煖每服三合以酒調下

防已湯方 治偏風半身不隨口眼喎斜不能言語筋脉
拘攣不得轉側

防已 芎藭 桂 黃芩 芍藥 人參 甘草炙
麻黃去根節 附子去皮臍 防風各一兩 杏仁去皮尖四十枚

每用十錢生薑十片同煎分溫三服日二夜一

生地黄湯方 治偏風手足一邊不收口目喎戾言語蹇

澀其漿不虛人老少並可服之

生地黄汁

竹瀝

荆瀝

各一升
五合

三味別作羗活防風各一兩去蘆頭并又剉附子一枚重半兩者去皮臍生用作八九片入前三汁中慢火煎取一升半每用醇酒三合調化藥汁二合煖服之日二夜一無問冬夏並得服之

麻子仁湯方

治偏風手足不隨口面喎斜

麻子仁剉半
寸長炒二合

黑豆二合緊
小者炒

鴿糞炒二
合

垂柳枝二
握

四味先以酒七升煮柳枝及五升炒鴿糞麻仁黑豆等令黃乘熱便投柳枝酒內須臾去滓令淨每服旋取溫服二合至三合空心臨臥各一服

續命獨活湯方 治偏風半身不隨熱悶語澀

獨活 防風

人參

芍藥各二
兩

防已一兩
半

桂一
兩

羚羊角銜三
分

咬咀如麻豆每服五錢入竹瀝半合同煎溫服

安息香丸方 治偏風半體不仁縱緩不收或時痺痛

安息香

研一兩

乳香

研一兩

麻黃

去根節二兩

胡桃仁

湯浸去皮

研一兩半

乾浮萍草

去土一兩半

右五味先搗麻黃浮萍草為末與研藥拌勻鍊蜜和丸如彈子大每服一丸溫酒化下以汗出為效

擬金丸方

治偏風半身不隨不知痛痒

草烏頭

生去皮臍二兩半

骨碎補

去毛一兩半

狗脊

去毛一兩

五靈脂

一兩

馬蘭花

一兩半

地龍

去土半兩

乳香

研一兩

楓香脂

研一兩

草薺

一兩

九味搗羅為末入研者二味和勻醋煮麩糊和丸如

小豆大每三丸至五丸荆芥湯下空心臨臥各一服

風偏枯

論曰氣血不足腠理開疎風溼客於分肉之間久而不差真氣去邪氣獨留乃為偏枯之疾其狀肢體不隨肌肉偏枯細小而痛言語不變神智不亂乃可治也宜溫臥取汗益不足而損有餘診其胃脉沉而大心脉小而牢急皆偏枯之脉也

當歸湯方

治中風手足偏枯口面喎斜疼痛一目不能

合

當歸 白芷 防風 白鮮皮 白朮 芎藭 杏仁

去皮 甘草 炙 其菊花 天雄 去皮臍 各一兩 人參 半兩

每服五錢生薑半分同煎溫服日三夜一與食相間

服之

磁石湯方 治中風偏枯骨瘦無力

磁石 燒赤醋淬 七兩 防風 三兩 五味子 二兩 甘草 一兩

玄參 二兩 附子 去皮臍 一兩 牡丹 去心 二兩

每用五錢入黑豆三十五粒同煎空心日午夜臥服

沒藥丸方 治中風偏枯手足不隨言語塞澀口眼喎斜

沒藥 研半兩 天麻 酒浸一宿 焙乾二兩 烏頭 去皮臍 一兩 地龍 去土

炒一兩 羚羊角 銹屑 一分 犀角 銹屑 一分 丁香 一分 木香 一分

乳香 研半兩 丹砂 研半兩 龍腦 研一分 麝香 研一分

玄參 一分 人參 半兩

十四味搗研為末鍊蜜和丸櫻桃大每服一丸溫酒

下食前服 重病者服一月差初患五七服即愈

肉苛

論曰內經謂人之肉苛者雖近衣絮猶尚苛也以榮氣虛

衛氣實夫血為榮氣為衛氣血均得通流則肌肉無不仁之疾及榮氣虛衛氣實則血脉凝澀肉雖如故而其證瘡重為苛也

苦參丸方 治榮虛衛實肌肉不仁病名肉苛

苦參二兩搗取粉 丹參炙 沙參去麤皮土 人參一兩 五加

皮去白 防風去叉 蒺藜子炒去角黃 烏蛇酒浸川肉 蔓荆實

敗龜塗酥炙 虎骨塗酥炙黃 玄參堅者各一兩

右十二味搗羅為末別以不蚰皂莢一觔以水三升按取汁去滓於無油鐵器內煎成膏鍊蜜四兩拌和

為丸如梧桐子大每食後良久及夜臥共三服各用荆芥薄荷酒下十五丸至二十九

天麻丸方 治榮虛衛實肌肉不仁徧身痛重

牛膝酒浸切焙一兩 天麻酒浸切焙兩半 麝香研 桂各一分 乾

蠍炒去土 白花蛇肉酒炙各半兩 檳榔剉 獨活各二分

防風一兩

共九味鍊蜜和丸如桐子大每服十丸薄荷酒荆芥湯下不拘時

防風酒方 治榮虛衛實肌肉不仁病名肉苛

防風 去叉 二兩

白木 一兩

山茱萸 并子用 一兩半

山藥 乾者 兩半

附子 去皮臍 灸一兩

天雄 去皮臍 一兩半

細辛 去鬚葉輕 炒一兩半

獨活

去蘆頭 一兩半

秦艽 去土 兩半

茵芋 去粗莖 一兩半

杏仁 去皮尖雙 仁炒兩半

紫巴戟 去心 一兩

桂 二兩

麻黃 去根節煎去 沫焙乾二兩

生薑 二兩 切焙

磁石 生槌碎如大豆 粒浸去汁半斤

薏苡仁 炒三兩

生地黄 淨洗細 切焙二兩

半兩

共十八味剉如麻豆生絹袋盛以無灰酒三斗浸六

七日空心溫飲四合至五合以知為度

五味子酒方 治榮虛衛實肌肉不仁病名肉苛

五味子 防風 牛膝 黃芩 白朮 當歸 澤瀉

知母 白芷 五加皮 枸杞子 用根白皮剉 牡丹 去心

肉蓯蓉 炒 丹參 灸 甘草 灸 枳殼 炒 厚朴 去粗皮薑

汁灸 五遍 細辛 去鬚葉 輕炒 桂 各一兩

其十九味剉如麻豆生絹囊盛用好酒二斗密封浸

經七日每空心日午夜臥各溫服五合久服加至七

合及一升勿令醉吐 歷節風 中風百節疼痛 風走注疼痛

白虎風

歷節風

論曰歷節風由氣血衰弱為風寒所侵血氣凝澀不得流通關節諸筋無以滋養真邪相薄所歷之節悉皆疼痛故謂歷節風也病甚則使人短氣汗出肢節不可屈伸

防風湯方 治歷節風周身百節疼痛脚痿弱

防風二兩 白朮一兩 白鮮皮二兩 桂一分 黃芪二兩

薏苡仁炒二兩

右六味 篩每服四錢生薑三片同煎溫服日三夜

沒藥散方 治歷節風百骨節疼痛晝夜不可忍

沒藥研半兩 虎脛骨酒炙三兩

二味搗研為末每服二錢溫酒調下日三服

透關散方 治歷節風四肢攣急疼痛難忍短氣汗出

麻黃根五兩 天南星炮 威靈仙各半兩 萆薢 當歸

人參 天麻各一兩 赤小豆浸去皮焙半兩

共八味搗羅為末每服半錢溫酒調下

獨活散方 治歷節風

獨活去蘆頭一兩半 玄參一兩 生犀角屑二兩 升麻三兩

惡實根兩半 鼓二合 生乾地黄兩半

共七味搗羅為散每服三錢空腹米飲調下

乳香大丸方 治血氣衰弱風毒攻注歷節疼痛

乳香研 沒藥研各一兩 五靈脂去沙石四兩 烏頭去皮臍一兩半

其四味搗研為末再和勻滴水和丸如小彈子大以

丹砂為衣每服一丸薄荷酒化下日三服

中風百節疼痛

論曰中風百節疼痛者由體虛受風風邪中於關節故令百節筋脉拘急疼痛寒熱更作不可屈伸此皆真氣怯弱

不勝風邪真邪相薄所以痛也

白花蛇散方 治中風肢節疼痛言語蹇澀

白花蛇酒浸去皮骨二兩 何首烏去黑皮 牛膝三味用酒浸半日焙乾

蔓荆實去白皮各四兩 威靈仙 荆芥穗 旋復花各二兩

共七味搗羅為末每服一錢溫酒調下空心臨臥服

羌活散方 治中風百節疼痛寒熱更作不可俛仰

羌活去蘆頭一兩 天麻去蒂生用一兩 芎藭半兩 酸棗仁炒三分

鹿角膠炒燥半兩 蔓荆實揉去白皮一分 羚羊角銜屑三分 人參

半兩 白附子半兩 牛膝三分 桂半兩 薏苡仁炒一分 烏

蛇酒炙用
肉半兩

犀角鎊屑
一分

白鮮皮炙半
兩

地骨皮

栝子仁生用
三分

右十七味搗羅為細末每日空心及夜臥各以豆淋酒調下一錢至錢半

白頭翁酒方 治諸風痛攻四肢百節

白頭翁草

一味爛研以醇酒投之頓服

又方

生惡實根摩酒服痛止即住

又方

黑豆炒去皮
半升

威靈仙二兩

桑根白皮一兩

三味用醇酒一升半煎取八合去滓頓服之

又方

杏仁湯浸去皮尖雙
仁炒黃研半兩

虎骨以酒塗酥炙黃
取半兩為末

二味用醇酒一升熱調頓服

風走注疼痛

論曰風走注疼痛之病其痛無常處是也氣血流通筋脉和同則骨肉滑利一有不調風邪乘虛與血氣稽行使榮

衛凝澀隨所注處悉為疼痛故謂走注痛也

虎骨散方 治風毒走注疼痛不定

虎脛骨

酥炙

敗龜

酥炙各二兩

麒麟竭

研

赤芍藥

當歸

沒藥

研

防風

白附子

桂

去粗皮

白芷

骨碎補

去毛

蒼耳

炒

自然銅

火煨醋淬研各三分

牛膝

酒浸切焙

去苗

天麻

檳榔

五加皮

羌活

去蘆頭各一兩

共十八味為散每服二錢溫酒調下

芸薹散方

治風毒走注疼痛如虎嚙

芸薹子

天南星

草烏頭

並生用各一兩

三味為散五錢量入生麩以醃醋生薑汁牛油各少

許調成膏攤紙上厚一分貼痛處即止

消毒膏方

治風毒走注疼痛筋脉拘急

馬牙硝

一兩燒赤研

烏頭

大者二枚燒存性三分研

二味同研令勻每用三錢白麩三錢生薑汁一盞同

熬成膏攤於帛子上熱貼日二換之

乾地黄丸方

治走注疼痛

生乾地黄

白芷

當歸

沒藥

烏頭

去皮臍

防風

木香 赤小豆

其八味等分搗研為末水浸蒸餅心和丸如梧桐子
大每服五丸冷酒下空心食前服日二

白虎風

論曰白虎風之狀或在骨節或在四肢其肉色不變晝靜
而夜發發則痛徹骨髓或妄言妄有所見者是也蓋風寒
暑溼之毒乘虛而感播在經脉留於血氣畜聚不散遇陽
氣虛弱陰氣隆盛則痛如虎嚙故以虎名焉

羌活湯方 治白虎風痛甚如齧

羌活 防風一兩 秦艽 芎藭 當歸各一兩半 牛膝酒

附子一兩 去皮臍三分 大腹連皮用三枚 桃仁湯浸去皮尖雙仁炒二十

枚

九味剉如麻豆每服五錢入生薑一棗大同煎溫服
日二夜一

牛膝散方 治白虎風疼痛難忍

牛膝酒 當歸各一兩 虎骨酥炙令黃二兩 赤芍藥一兩

芒硝別研半兩 桃仁去皮尖雙仁三兩 芎藭牛

七味為散每服空心用溫酒調下一錢至二錢

抵聖散方 治白虎風骨節疼痛至夜轉甚

虎脛骨

不計多少打破酒浸蘸酒旋炙令黃脆為度

一味為散每服半錢入薄荷末一錢人參末半錢煎乳香酒調下

一神散方

治白虎風晝靜夜發痛徹骨髓狂言妄見

防風

羌活 桂皮 去粗

地骨皮

芎藭

細辛

虎骨

酒浸一宿酥炙黃

共七味等分為散每服一錢溫酒調下

烏頭散方

治白虎風走注疼痛

烏頭

去皮

地龍

羌活

虎骨

酒炙

延胡索

當歸

沒藥

研

防風

各一兩

八味為散每服二錢冷酒調下空心食前日二服

風不仁

風癢痒

風痞癩

風癢癢癩

風不仁

論曰風不仁之狀皮膚搔之如隔靴是也由榮氣虛衛氣實寒風入於肌肉血氣不相與凝痺結滯皮膚癢痺厚無所覺知內經曰皮膚不榮故為不仁此之謂也

烏鴉丸方

治風虛皮膚不仁頭目昏痛利咽膈解昏倦

烏鴉

一隻燒為灰

麝香

別研一分

虎骨

酥炙

白殭蠶

炒

乾

蠍去土炒 防風去 白附子 烏蛇酒浸去皮骨炙 藿香葉

各半 除別研外搗羅為末入研者拌勻鍊蜜丸如梧

桐子大每服十丸至十五丸溫酒下茶清亦得

羌活湯方 治風不仁手足癱痛麻疼

羌活 獨活俱去蘆頭 防風 蔓荊實 人參 茯苓子

炒去 芍藥 白茯苓 枳殼 芎藭 天蓼木 阿

膠炙令燥 威靈仙去苗土各半兩

每服二錢空心豆淋酒調下或鍊蜜丸如梧桐子大

豆淋薄荷酒下十五丸至二十九

五參散方 治風不仁皮膚癱麻繞膝徧身似蛇皮黑癩

旋生旋沒通身癱痺

人參 丹參 沙參 苦參 玄參堅者各一兩 白花蛇

酒浸去皮骨一兩半

右六味為細散每服二錢食後溫酒調下加至三錢

風癢痒

論曰風癢痒者表虛衛氣不足風邪乘之血脉留滯中外

鼓作變而生熱熱即癢痒久不差滯邪散溢搔之則成瘡

五白散方 治皮膚風癢晝夜不止

白附子

白僵蠶炒

白蒺藜炒

白鮮皮

各一兩

白

花蛇

酒浸去皮骨炙三兩

右五味為散每服一錢空心臨臥溫酒調下

枳殼散方

治風皮膚瘙痒麻痺

枳殼

去瓢麩炒二兩

苦參

蒺藜子

炒去角

蔓荆實

各一兩

荆芥穗

麻黃去根節

羌活

去蘆頭

獨活

各等分

每服二錢臘茶溫酒調下食後臨臥各一服

天麻散方

治熱毒風攻徧體瘙痒癩皮膚痛痺肢節

疼痛四肢大腸不利

大麻 防風 羌活

甘菊花

杏仁

去皮尖雙仁炒黃各二兩

甘草一兩炙

每服三錢空心蜜酒調下日再服

天門冬丸方

治風熱皮膚癩疹痒生瘡如水疥或如粟粒

天門冬

去心焙二兩

枳殼

去瓢麩炒三兩

白朮

人參

各一兩半

獨活

苦參各一兩一分

為末蜜為丸如梧桐子大每食

後米飲下三十九日二服

八味散塗傳方

治徧身瘡疥皮破肉痛或瘙痒膿水

蜀椒

去目

吳茱萸

湯洗焙乾炒

青鹽

研

石硫黃

研

膩粉

研

白僵蠶

炒

槩皮

各一兩

麝香

少許研

八味搗研為散豬膽汁調塗之溼則乾傳

防風湯淋洗方 治瘙痒如蟲行或癢痺不仁

防風 益母草 苦參 各三分 蒺藜子 炒五兩 荆芥穗

蔓荆實 枳殼 去瓢麩炒各二兩

每用三兩水一斗煎至八升乘熱淋洗患處

風痞癩

論曰風痞癩者由腠理不密三陽氣外泄發而為汗汗出未已為風邪所搏風熱相併不得流行故結為痞癩狀如麻豆甚者漸長瘙之成瘡

獨活丸方 治風癰癢痞癩腫起時痒時痛

獨活 去蘆頭 天門冬 防風 蒺藜子 炒去角 桔梗 炒各

一兩一分 薏苡仁 炒 黃連 去鬚各一兩 桂 半兩 枳實 一兩半

為細末鍊蜜丸如梧桐子大每服二十九丸空心臨臥

菊花湯下

景天花散方 治脾肺風毒徧身發痞癩瘙痒煩躁

景天花 慢火焙乾一錢 俗謂慎火草 紅麴 半兩

同研為細末每服二錢食後臨臥服溫水下

胡麻散方 治肺脾風毒攻注皮膚瘙痒手足生瘡及徧

身痞癩發赤黑鱗子肌熱疼痛

胡麻炒令香熟 枳殼各二兩 防風 蔓荆實 威靈仙

苦參 何首烏米泔浸透去黑皮炒乾 芎藭 荆芥穗 甘草

炙各一兩 薄荷用葉半兩 為散每服二錢溫酒下或鍊蜜丸

如梧桐子大每服三十九溫酒下

枳殼酒方 治風瘙癢癩皮膚生痞癩或如蟲行

枳殼炒二兩 秦艽 獨活 肉蓯蓉各四兩 丹參

蒟藿各五兩 松葉切三斗 剉如麻豆用生絹袋貯以清

酒二斗浸六宿每服半盞日三夜四

蒺藜浴湯方 治風毒瘙痒癩漸成痞癩

蒺藜子炒 芫蔚子 羊桃 蒟藿根苗 漏蘆去蘆頭

苦參各半斤 鹽四兩 每全料用水三石煮取二石五斗

去滓溫室中淋浴仍先飽食卽入浴久浸最良可隔

夜一浴乾衣蓋取汗慎外風

桃仁塗方 治毒赤癩浮腫成痞癩

桃仁去皮尖雙仁生用 杏仁去皮尖生研各三兩 胡麻生研 凝水石

研如粉各二兩 右四味各研細別研芸薹菜絞汁和以白蜜

入前研藥攪為稀膏用塗患處乾則易之

風瘙癢瘰

論曰風瘙癢瘰其狀有二皆緣肌中有熱若涼溼之氣折之熱結不散則成赤瘰若因風邪所折風熱相搏則成白瘰赤瘰得熱則劇得冷則減蓋熱氣鬱結於內故惡熱宜冷白瘰得陰雨則甚得晴暄則消蓋熱氣散釋於外故惡冷宜熱冷熱之證異其為癢瘰則一盡身體風瘙而痒搔之隱隱而起是也

秦芫丸方 治風瘙癢瘰搔之愈甚

秦芫 防已

松脂鍊成者各兩半

枳殼

蒺藜子

炒去角各二兩

半

苦參

白朮

芎藭

防風

附子

蒟藿

乾薑

炮各一兩

共研為末鍊蜜和丸如梧桐子大每服二

十九酒下加至三十丸早食前各一服

蔓荊實散方

治風瘙癢瘰手足麻木

蔓荊實

何首烏

各二兩

羌活

威靈仙

荆芥穗

防風

各一兩

苦參

一分

為散每服二錢溫酒調下日三

茵陳蒿散方

治風瘙癢瘰皮膚腫痒

茵陳蒿

一兩

荷葉

半兩

為散每服一錢蜜水下食後服

蒺藜子散方

治風瘙皮膚癢瘰痒痛或有細瘡

疾藜子炒去角 枳殼 荊芥穗 羌活 防風一兩

蒼朮泔水浸一宿四兩 共為散每服一錢溫酒或茶調下

石南酒方 治風癱癲瘳經旬不解

石南葉去粗莖生用三兩 一味搗羅為末每服半錢至一錢

用酒三合煎一沸空心溫服

白蜜酒方 治風癱癲瘳痒不止

白蜜一合 酒二合 二味相和煎溫食前服一方用松葉一斤酒一斗

煮三升日夜服出汗

枳實丸方 治風熱頭面身體癢痒癱瘳

枳實去瓢楚炒兩半 天門冬 獨活 黃連 防風 疾藜

子炒去角 桔梗炒各一兩一分 薏苡仁一兩 桂一分 共為末

鍊蜜丸如梧桐子大每服二十九空腹米飲下日二

塗藥方

慎火草大葉青厚名景天 生薑和皮不洗等分研 鹽重少許

三味塗摩痒如徧身癱瘳塗發處日再

芎藭粉摩方 治風癱癲瘳痒痛難止

芎藭 白芷 麻黃根各二兩 藿香一兩 米粉二升

五味搗羅為粉摩病處立效

聖濟總錄纂要卷一終
四
枳實熨方 治風白癩

枳實生用
八兩

一味搗碎以醋浸令啞啞炒熟用熟帛包

裹熨癩上冷卽易分作二包子更相炒熨尤佳

聖濟總錄纂要卷一終

